

Inissianik attartortitsisarneq pillugu Inatsisartut inatsisissaattut siunnersuut.

(ineqarnermut, Attaveqaasersuutitut, Isorliunerusunut Upalungaarsimanermullu Naalakkersuisoq)

Inissianik attartortitsisarneq pillugu Inatsisartut inatsisaannik nutarterutissaanik Naalakkersuisut saqqummiusnaanut qujanaq. Inissianik attartortitsisarnermi inatsit nutartertariaqalersimavoq ukiullu ingerlanerini ineqarnermi ineriartornermut naleqqussarneqartussanngorluni, peqqussutit aqqutigalugit malittarisassat nutarterneqartatut katiterneqarnissaat aamma pisariaqarlersimalluni.

Inuit Ataqtigii pingartitaraat inuit ulluinnarni atugaasa pitsangorsartuarnissaat kiisalu kikkut tamarmik toqqissisimanartumik akilersinnaasaminnik ineqarnissartik pisinnaatitaaffigaa. Ineqarneq atungarissaarnermut tungaviulluinnartuuvoq. Taamammat aamma pingaaruteqarpoq pisortat inissiaataasa innuttaasunik atuisussanut sapinngisamik pitsaasumik atugassaqarfiunissaat.

Ukiuni kingullerni pisortat inissiaataanik sanartorneq ingammillu maani Nuummi pisariaqartitanut malinnaanngilaq, nalignnaasumik attartortakkanik namminersortut inissialiortartut amerlasoorujussuupput maanilu Nuummi pisortat nalignnaasumik inissianik attartortittagaanut ukiorpassuarni utoqqisoqartarluni, akerlianik illoqarfinni mikinerusuni pisortat inissiaataat inoqangittut nutaangilisullu amerliartorlutik. Tamatuma saniatigut sanartornermi akit qaffariaqarujussuarnersa kingorna inissianik pisortat sanartornerat unittuujusavikkiartorluni. Pisortat nalignnaasunik inissialiortat unikaallassimavoq namminersortulli inissiatileqatigut inissianik attartortittakkanik sanartorsimasut akigisitaat qaffasittorujussuullutik. Aamma tamannarpiaq pissutaaqataavoq Kalaallit amerlilgalluinnartut danmarkimut nuussornerannut.

Inuit Ataqtigii kajumissaarutigaput Inatsisartuni partiit akimorlugit qinigaafiillu akimorlugit ukiuni aggersuni pisortat inissiaataanik atuisussat akissaqartitaanik sanartornermi anguniagarnissaq. Piffissarlu manna iluatsillugu ineqarnermut tapit nutarterneqarnissaanik suliaq sumut killinnersoq Naalakkersuisunut apequtigerusupparput.

Taamatut oqariarluta siunnersuummi pineqartut imatut oqaaseqarfigissavagut;

Inissianik attartortitsinermi inatsit ukiut 20-vit sinnilarlugit pisoqaassuseqarpoq nutartertariaqarluni ukiullu ingerlanerani malittarisassatigut allangortinneqartatut katiternissaat pisariaqalersimalluni.

Inuit Ataqtigiinnit inissianik attartortitsinermi akitigut atugassarisaasut eqqarsaatigalugit atuisut illersorneqarnerunissasa ersarissuunissaa kissaatigaat, maannami inissianik attartortitsisartut namminersortut amerliartortillugit naammattuugassaasarmata inissiap pittaassusaanut naleqqutingilluinnartumik ilaanni akiliisitsisoqartartoq, taamatut pisoqartillugu ineqartunut naammagittaalliornissami periarfissat erseqqissarneqartariaqarput aamma inatsisitigut. Tamanna aamma atuuttariaqarpoq suliffeqarfiit namminersortut sulisuminnut pisortat inissiaataanik attartorsimappata.

Atorfik aqqutigalugu pisortat inissiaatani attartortut eqqarsaatigalugit pisariaqarpoq sulisut ukiorpassuarni atorfeqarsimallutik sorarninngortartatunut atugassarisaasut pitsangorsarnissaat. Maannamut

takusarpagut atorfillit ukiorpassuarni aalajaallutik kiffartuussisimasut sorarninngornertik pissutigalugu inigisaminniit anisitaasariaqaleraagamik inissaarullutik ilaatigut Danmarkimut ilaquuttatik toqqissisimaffigisatik qimallugit nuuttariaqalersartut, tamanna iluarsiniarlugu inatsisitigut aamma periarfissanik qulakkerisunik erseqqittunillu ilangussinissaq qulakkertariaqarparput.

Nuannarutigarput pisortat inissiataani ineqartunut uumasuteqarneq pillugu atugassarisitaasunik erseqqissaasoqarmat. (Avannaani qimmeqarfinni inissiat silataat) ?

Inatssimmi inissiamik attartortunik toqusoqarsimatillugu attartukkamik tigusinermi periarfissat erseqqissarneqarnerat iluarisimarparput. Allanguutillu taakkua inatssimmi ataatsimortinneqalernerat atuisunut oqilisaataassaaq.

Inuit Ataqtigiit iluarisimarpaat suliffeqarfiit sulisuminnut inissianik attartorneq pillugu inatssimmut ilaatinneqarmat, taamaasiornikkut isumaqarpugut inissiamik attartortut naliginnaasumik piginnaatitaaffimmikkut assigiimmik atugaqarnissaat illersorneqarnerallu qulakkerneqartoq.

Inatssimmi Namminersorlutik Oqartussat kommunillu inissiataani aserfallattaalinermut piumasaqaatit assigiissarneqarmata Inuit Ataqtigiinnit iluarisimarparput, aamma pingaaruteqarmat ataavartumik naligiimmik inissiat aserfallattaalinissaannut qulakkerinissaq. Manna tikillugu ajornartorsiutitta annerit ilagimmassuk aserfallattaalinikkut piumasaqaatit nikiganeri pissutigalugit inissiat pitsaassusaat akiminnut naleqqukkunnaariartortut.

Inissianik attartortut akiliisussaataanerat pillugu malittarisassat inatssimmi ataatsimortinneqarnerat iluarisimarparput, akiitsuninnerli pissutigalugu inissianik attartornermut atorunnarsitsisoqartillugu ilaqtariit meerallit meeraat pillugit isumaginninnikkut inatssimmi ataqtigiissarinissamut periarfissaqarnissap erseqqissarnissaa pisariaqartutut isigarput, maannami meeqqat amerlavallaat angerlarsimaffiup avataanut inissinneqartartut eqqarsaatigalugit inigisamik anisitaasimasut naammattuugassaasarmata angajoqqaat imigassamik ikiarornartumillu ajornartorsiuteqangikkaluartut inigisamik anisitaaneq pillugu meeqqaminnik arsaagaasartut. Taamammat pisariaqarluinnarpoq ineqarnermi tapit inatsisartunit suliakkiutigineqarersimasut piartumik naammassineqarnissaat Naalakkersuisunit suliarineqassasut. Ineqarnermut tapit aningaasaqanerup nikerarneranut naapertuuttumik eqaattumillu nikerarsinnaasutut suliarineqarnissaat kissaatiginarpoq.

Inissianik attartortut maalarsinnaatitaanerat pillugu periarfissat ersarissarneqarnerat iluarisimarparput.

Taamatu oqaaseqarluta inissianik attartornermi inatsisissatut siunnersuut Sanartornermut ataatsimiisitaliamut suliareqqitassangorlugu inassutigarput.